



Broj: 05-4368-2/15  
Sarajevo, 23.11.2015. godine

**Predmet: Pojašnjenje tenderske dokumentacije**

Agencija za bankarstvo Federacije BiH (u nastavku: Agencija) provodi postupak konkurentskog zahtjeva za dostavu ponuda za nabavku usluga revizije finansijskih izvještaja Agencije za 2015., 2016. i 2017. godinu, po obavještenju o nabavci objavljenom na Portalu javnih nabavki broj: 3010-7-2-36-3-21/15 (evidencijski broj nabavke: 05-4368/15).

Jedan od ponuđača zatražio je pojašnjenje tenderske dokumentacije po navedenom postupku nadmetanja, u dijelu koji se odnosi na kvalifikacijske uslove ponuđača, pa se u daljem tekstu – svim ponuđačima, daju odgovori na pitanja, kako slijedi:

**Pitanje broj 1: Molimo vas za pojašnjenje slijedećeg:**

- 1) Revizorski tim (ključni članovi revizorskog tima) treba da uključuje:
  - najmanje 3 (tri) stalno zaposlena ovlaštena revizora, s važećom licencom u BiH, izdanom u skladu s važećim propisima, s iskustvom u reviziji od najmanje 5 (pet) godina od dana dobijanja certifikata za ovlaštenog revizora;
  - najmanje 1 (jednog) stalno zaposlenog revizora certificiranog od strane priznatih međunarodnih profesionalnih tijela (ACCA ili CPA);
  - najmanje 1 (jednog) angažovanog pravnika, sa iskustvom od najmanje 5 (pet) godina u struci.

Interesuje nas da li, u slučaju konzorcija sa pravnim licem koje nije državljanin BiH, navedeni stalno zaposleni ovlašteni revizori trebaju imati važeću licencu u BiH?

**Odgovor:**

Ovo pitanje regulira Zakon o računovodstvu i reviziji u Federaciji BiH („Službene novine Federacije BiH“ broj: 83/09 od 30. 12. 2009. godine), koji propisuje zvanja u računovodstvenoj i revizorskoj profesiji Federacije.

Članom 5. Zakona propisano je da reviziju finansijskih izvještaja u Federaciji BiH mogu obavljati samo lica koja posjeduju odgovarajuću licencu za rad izdanu u Federaciji, a da revizorske izvještaje mogu davati samo društva za reviziju koja imaju licencu izdanu u Federaciji, u skladu sa Zakonom.

Članom 10. tog akta dalje je propisano da lica koja posjeduju certifikat izdan od ovlaštenog tijela (odnosno Asocijacije) izvan teritorije Bosne i Hercegovine mogu tražiti da se izvrši nostrifikacija stečenih kvalifikacija, nakon što dokažu da su ispunila uslove MFR-a u zemlji u kojoj su stekli kvalifikaciju, kao i da ispunjavaju uslove stručne spreme, radnog iskustva, poznavanje pravne regulative i poreznog sistema Federacije, te da nostrifikaciju stečenih kvalifikacija obavljaju

profesionalna tijela, uz uslove i postupak koji propisuje Komisija za računovodstvo i reviziju Bosne i Hercegovine.

**Pitanje broj 2: U slučaju konzorcija sa pravnom licem, koje nije državljanin BiH, svaki član konzorcija treba u potpunosti da ispunjava navedeni uslov pod prvom tačkom?**

**Odgovor:**

Tenderskom dokumentacijom koja se odnosi na uslove za kvalifikaciju ponuđača - ukoliko ponudu dostavlja grupa ponuđača (tačka c) 2) TD), precizirano je da:

- dokumente koji su navedeni pod tačkom c) 1) 1. (lična sposobnost) i tačkom c) 1) 2. (sposobnost obavljanja profesionalne djelatnosti) tenderske dokumentacije mora posebno dostaviti/pripremiti svaki član grupe ponuđača, a da članovi grupe ponuđača mogu dostaviti jedan set/paket:
- dokumenata koji su navedeni u tački c) 1) 3. (ekonomska i finansijska sposobnost) i tački c) 1) 4. (tehnička i profesionalna sposobnost) tenderske dokumentacije.

Tačkom e) tenderske dokumentacije (ostali podaci) dalje je definirano da je svaki član iz grupe ponuđača dužan uz zajedničku ponudu dostaviti dokaze/dokumente na temelju kojih se utvrđuje lična sposobnost (član 45. Zakona), te dokaze/dokumente vezane za sposobnost obavljanja profesionalne djelatnosti (član 46. Zakona), a svi zajedno dužni su dokazati (kumulativno) zajedničku kvalifikaciju ostalim navedenim dokazima kvalifikacije. Takođe, članovi grupe ponuđača mogu dostaviti jedan set/paket ostalih dokumenata, koji su traženi tenderskom dokumentacijom.

FBA SARAJEVO